

1605 in aera dispergantur, agi inquit. Quid enim tam brevi momento, nisi ignis tormentariiue pulveris fulminea vi, conficiatur? Itaque fornicis penitiora excuti jubet. Abdita, superjecta lignorum strue, fraus delitescibat. Jussus depromere atriensis, cujusnam acervus ille lignorum esset, Thomæ Percii, respondit. Adjicit Montilaqueus, ab eo exaratam epistolam suspicari. Noctu Percii famulus intercipitur: penes illum cum filice calybs repertus; amotis lignis, dolus recluditur. Tormentarii pulveris sex ac triginta capsulae inventae feruntur. Scelus omne Percii famulus aperit; infectam rem fuisse, faciem non intulisse, angi: sceleris socium habere neminem: divino nutu id aggressum: religioni caput extollenti, malum genus invidisse: non infimo se loco natum, alienum sibi indidisse nomen; Vitum Fauchium gentilicio nuncupari. Sed qui consortes facinoris pernegaverat, acerba fidicularum poena territus ac dejectus cuncta fatetur: cuniculorum conficiendorum artes in Belgio didicisse, Catisbejum & Percium consilii participes habuisse; proximas palatio ab iis aedes conductas; alto omnia se silentio tecturos jurejurando, tactis aris, pollicitos: noctu effodiendo hiatum ejusmodi aperuisse, quo in fornicem comitiorum aulae suppositum aditus erat; ad rem opportunius perficiendam, Percium subterraneam ab atriensi cellam condixisse, quam deinde sarmentis ac pulvere oppleverant: dilata saepius comitia patrandae rei opportunitatem abstulisse. Vitum ut focii interceptum cognoverunt, fuga se subducunt; dolo irrito ad arma confugiunt; perditos homines sibi adfiscunt; milites cogunt; catholicam religionem sceleri praetendunt. Infaniae vix centenos assecclas habent: a provincialibus praefectis impetiti, in arcem confugiunt, obsidentur, igne ferroque peruntur; pressi, perfractis portis, in confertos milites, desperatione adacti, praecipites ruunt: glande ferrea Catisbejus interficitur, Percius graviter caesus, vulneri medelam respuens, post triduum obit: ceteri vincti Londinum trahuntur. At in eos, qui catholicam religionem colunt, vulgus fremere; in exterorum Principum legatos inveli, maledictis proscindere. Rex ad plebem sedandam edictum emittit: nihil in ea conjuratione ab externis Principibus actum: Catisbeji Perciiue cadavera per lutulentas semitas pertracta, poenas dedere:

reli.